



REPUBLIKA E SHQIPËRISË

KËSHILLI I QARKUT KORÇË

RAPORT PËR MONITORIMIN E ZBATIMIT TË BUXHETIT TË VITIT 2020
PËR PERIUDHËN VJETORE

Në mbështetje të Ligjit nr. 68/2017 “Për financat e vetëqeverisjes vendore” neni 48 “Monitorimi dhe raportimi i zbatimit të buxhetit vendor” është hartuar “Raporti për monitorimin e zbatimit të buxhetit të vitit 2020 për periudhën vjetore”

Hartimi dhe zbatimi i buxhetit të Këshillit të Qarkut për vitin 2020 është bërë në mbështetje të akteve ligjore dhe nënligjore në fuqi si më poshtë:

- *Ligjin nr.139/2015 “Për vetëqeverisjen vendore”*
- *Ligjin nr.68 /2017“Per financat e vetëqeverisjes vendore”*
- *Ligjin nr. 9936 date 26.06.2008“ Për menaxhimin e sistemit buxhetor në Republikën e Shqipërisë” të ndryshuar.*
- *Ligjin nr 88/2019“ Për buxhetin e vitit 2020”*
- *Udhëzimin e Ministrisë të Financave dhe Ekonomisë nr.9 datë 20.03.2018.“Për procedurat standarde të zbatimit të buxhetit”*
- *Udhëzimin plotësues të Ministrisë të Financave dhe Ekonomisë nr.2 dt20.01.2020 “Për zbatimin e buxhetit të vitit2020“.*
- *Ne Vendimin e Keshillit të Qarkut nr.15 date 23.12.2019 “Per miratimin e buxhetit të Keshillit të Qarkut per vitin 2020”*

Raporti paraqet punën e administratës të Këshillit të Qarkut Korçë në zbatimin e politikave të përcaktuara nga Këshilli i Qarkut si në realizimin e burimeve të të ardhurave ashtu edhe në menaxhimin e shpenzimeve, për një ritje të cilësisë të shërbimeve të ofruara. Ai përqendrohet kryesisht në veprimet e ndërmarra dhe arritjet në realizimin e të ardhurave nga tarifat vendore, si dhe në menaxhimin dhe administrimin sa më të mirë të shpenzimeve për vitin 2020.

CILI ËSHTË MISIONI I QARKUT KORÇE

Misioni i Këshillit të Qarkut Korçë është hartimi dhe zbatimi i politikave rajonale, harmonizimi i tyre me politikat e qeverisjes qendrore në plotësim të funksioneve të veta ligjore, si dhe çdo funksion tjetër i dhënë me ligj. Këshilli i Qarkut ofron bashkëpunimin dhe koordinimin midis qeverisjes qendrore dhe qeverisjes vendore, si dhe bashkëpunimin e kordinimin e politikave midis njësive të qeverisjes vendore të rajonit.

Këshilli i Qarkut Korçë ofron partneritet, koordinim dhe mirëkuptim midis të gjithë partnereve lokale e rajonale për pjesëmarrje në projekte gjithëpërfshirëse. Këshilli i Qarkut ofron partneritetin e tij për pjesëmarrje në Programet ndërkufitare të financuara nga Bashkimi Europian etj, me synim zhvillimin ekonomik social të Rajonit dhe ritjen e cilësisë së shërbimeve për komunitetin.

OBJEKTIVAT E KËSHILLIT TË QARKUT PËR VITIN 2020

Disa nga objektivat kryesore të Këshillit të Qarkut për vitin 2020

- Hartimi dhe zbatimi i politikave rajonale dhe harmonizimi i tyre me politikat e qeverisjes qendrore.
- Hartimi i Planit Sektorial për një zhvillim të qëndrueshëm ekonomik për territorin e Qarkut Korçë.
- Pjesëmarrja në Programet ndërkufitare e me gjere dhe krijimi i partneriteteve për një zhvillim të qëndrueshëm rajonal.
- Nxitjen e bashkëpunimit midis njesive te qeverisjes vendore te Rajonit, si dhe bashkëpunimin ndërrajonal.
- Përmirësimi i shërbimeve të ofruara komunitetit dhe sigurimi i një qeverisje më të mire.
- Përmirësimi i rolit të Qarkut dhe njesive përbërëse të tij, në procesin e Integritimit Europian.

REALIZIMI I BUXHETIT TE KESHILLIT TE QARKUT PER VITIN 2020

Zbatimi i Buxhetit të Këshillit të Qarkut për vitin 2020 ka ecur në kushte normale, kjo si rezultat i një planifikimi të mbështetur mbi burime reale të të ardhurave të vetë Institucionit si dhe një menaxhim të mirë të shpenzimeve në funksion të realizimit të aktiviteteve dhe programeve të planifikuara për këtë vit.

Burimet e financimit :

- Të ardhurat e vetë Institucionit
- Transferta e Pakushtëzuar (Granti)
- Transferta e Kushtëzuar

Funksionet kryesore të strukturave financiare :

- Për funksionet e veta
- Për funksionet e përbashkëta
- Për funksionet e deleguara

➤ Analiza e realizimit te te ardhurave per periudhen vjetore

Të ardhurat e veta per periudhen vjetore jane parashikuar sipas metodës dinamike duke marrë në konsiderate të dhënat e ecurisë së arkëtimit të viteve të fundit, dhe realizimit faktik të vitit 2019.

Llojet e të ardhurave që ka arkëtuar institucioni gjatë periudhes kanë qënë si mëposhtë:

- Të ardhura nga tarifat e ndryshme që institucioni ka të përcaktuara me akte ligjore dhe me vendime të Këshillit të Qarkut në funksion të shërbimeve që ai i ofron komunitetit.

- Të ardhurat e trashëguara nga viti buxhetor 2019, të cilat janë planifikuar të perdoren për financimin e shpenzimeve të planifikuara për këtë vit buxhetor

Gjate kësaj periudhe Institucioni përgjithësisht ka ecur drejt përmbushjes së objektivave dhe parashikimeve të përcaktuara nga Këshilli i Qarkut duke patur parasysh një balance të drejte midis burimeve të financimit dhe realizimit të shpenzimeve në përmbushje të aktiviteteve dhe programeve të miratuara për vitin 2020.

Te ardhurat në buxhetin e Këshillit të Qarkut për këtë periudhë janë realizuar si më poshtë:

ne 000/leke

Te ardhurat	Plani 2020	Fakti 2020	Realizim në %	Diferenca në leke
1. Transferta e pakushtezuar	57758	57758	100	0
2. Te ardhurat e veta	7368	1338.2	18.2	6029.8
a. Te ardhura nga tarifatat	1368	338.2	24.7	1029.8
b. Kontributi financiar i bashkive	6000	1000	16.67	5000
3. Te ardhura të trashëguara 2019	67227	67227	100	0
4. Transferta e kushtezuar	6395	6395	100	0
Totali 2020	138748	132718.2	95.66	6029.8

Për vitin 2020, të ardhurat në buxhet janë realizuar në vlerë 132718.2 mijë leke ose 95.66% e planit, të ndara sipas natyrës janë:

Transferta e pakushtezuar me vlerë 57758 mijë leke është realizuar 100%, kjo e ardhur vazhdon të jetë burimi kryesor i të ardhurave dhe është përdorur për financimin e funksioneve të veta në mbështetje të legjislacionit në fuqi. Celja e saj është bërë në mbështetje të planit fillestar të buxhetit të ndarë në tremujore. Gjate periudhës nuk ka patur shtesa apo pakësime në këtë vit të buxhetit.

Te ardhurat e vete institucionit për vitin 2020 janë realizuar në vlerë 1338.2 mijë leke ose 18.2 % e planit, me një diferencë në buxhet 6029.8 mijë leke. Realizimi në nivel të ulët i të ardhurave nga tarifatat e shërbimeve që ofron institucioni lidhet edhe me periudhën mars - maj ku institucioni ka punuar me orare të reduktuara për shkak të situatës së krijuar nga COVID 19. Gjithashtu edhe levizja e qytetareve për këtë periudhë ka qenë e kufizuar. Te ardhurat nga kontributi financiar i bashkive për këtë periudhë janë realizuar në nivelin 17 %, vazhdon të mbetet problem realizimi i këtyre të ardhurave, pavarësisht se është një detyrim ligjor i të gjitha bashkive.

Te ardhurat e trashëguara nga viti 2019 në total janë në vlerë 67.2 milion leke leke (grant + të ardhura), të cilat janë planifikuar të perdoren sipas vendimeve të Këshillit të Qarkut. Këto fonde janë në nivele të larta, janë akumuluar gjatë viteve të fundit dhe janë planifikuar të perdoren kryesisht në projektet IPA si për financimet e 15 % të pjesëmarrjes në buxhetet e Projekteve të fituara nga Programet IPA CBC 2014-2020 si dhe fonde të mjaftueshme për parafinancimet. Implementimi i këtyre projekteve ka filluar në vitin 2018 dhe financimi i tyre do të jetë në 3 vitet në vazhdim sipas parashikimit në kontratat përkatëse.

Te ardhurat e realizuara në total janë përdorur për financimin e funksioneve të veta të përcaktuara si më poshtë:

- Pagat e personelit,

- Sigurimet shoqërore dhe shëndetësore të personelit.
- Për shpenzime operative
- Investime
- Bashkefinancim Projekte te BE
- Investimene infrastrukture sipas propozimeve te bashkive dhe miratimit ne Keshillin e Qarkut

Te ardhura nga fondet e kushtezuara per vitin 2020

Gjatë periudhes vjetore, Këshilli i Qarkut për përmbushjen e funksioneve të deleguara, ka përfituar nga buxheti i shtetit fonde të nga buxheti i kushtezuar në shumën prej **6395 mije** lekë. Gjate periudhes nuk kemi ndryshime ne kete ze te buxhetit. Keto fonde jane perdorur per financimin e aktivitetit te Drejtorise se Administrimit dhe Mbrojtjes ne Qark e cila eshte funksion i deleguar.

➤ Analiza e realizimit te shpenzimeve per vitin 2020

Shpenzimet e buxhetit gjatë kesaj periudhe janë realizuar në shumën prej **57315 mije lekë** nga **114969 mije leke** te planifikuara ose **49.86 %**.

Nga totali i shpenzimeve per periudhen 8/M, shpenzimet korrente janë realizuar në shumën prej **22312 mije leke** ose **69.36%** ndaj planit prej **32171 mije leke** sipas programeve te miratuara per administraten e keshillit te qarkut dhe drejtorine e DAMT ne qark. Mosrealizimi lidhet me situaten e krijuar per muajit Mars-Prill per shkak te rregullave te vendosura ne situate emergjete nga COVID 19.

Shpenzimet kapitale për periudhen 8/mujore jane realizuar ne vlere **34944 mije leke** ose **51.3 %** te planit prej **68135 mije leke**. Edhe ne kete ze te shpenzimeve mosrealizimet kane ardhur per arsytet e permendura me lart. Me stabilizimin e situates dhe kalimin ne kushte normale, do te vazhdoje realizimi i prokurimeve dhe zbatimi i te gjitha objekteve te planifikuara per kete periudhe.

Realizimi i shpenzimeve per vitin 2020 paraqiten si me poshte Ne 000/leke

Nr.	Emertimi sipas Programeve	Plan	Fakt	Diferenca	% realizim
1	Administrata – Programi 01110	63876	27059	36817	42.36
	Paga personeli	14714	13181	1533	89.60
	Sigurime shoqerore e shendetsore	2600	2140	460	72.3
	Shpenzime operative, keshilltare e vendime gjyqesore	12518	6523	5995	52.1
	Transferta korente te brendshme	5960	4970	990	83.4
	Nga keto:	0			
	- Bashkia Korce Projekti “Qendra ditore per moshen e trete”	3000	3000	0	100
	- Projekti “Korca Open Air “	400	200	200	50
	- Shoqatat e te verberve	500	410	90	82
	- Qendra Kujdesit Shendetsor Familjar – Kujdesi Paliativ	400	400	0	100
	- Projekti me Spitalin Rajonal Korce	960	960	0	100

	- Qendra Rezidenciale e zhillimit Korce	150	0	150	0
	- Projekti i shkollave te mesme te Rajonit	200	0	200	0
	- Projekti me Shoqaten e Bleteritesve	350	00	350	0
	Transferta tek individet, familjaret	136	136	0	100
	Investime kapitale	27298	109	27189	0.4
2	Drejt.DAMT –Programi 01160	6395	5010	1385	78.34
	Paga personeli	5200	4131	1069	79.44
	Sigurime shoqerore e shendetsore	850	687	163	80.8
	Shpenzime operative	345	193	153	55.94
3	Bashkefinancim ne Projekte me fonde Bashkimit Europian-Programi 08250	907	0		0
4	Projekti IPA – Wincome – Programi 04220	1153	58	1095	5.03
5	Projekti IPA – Waste Rreact – Programi 05100	1822	9	1813	0.5
6	Projekti IPA – Save Water-Programi 06330	57095	35116	21979	61.5
7	Projekti IPA – Save Safe Water – Programi 06330	281	0	281	0
8	Fondi rezerve	500	0	500	0
	Total KESHILLI I QARKUT	131379	67252	64127	51.2

Analiza analitike e shpenzimeve përperiudhen vjetore (për Administratën)

Buxheti i periudhes 2020 per administraten e Keshillit te Qarkut eshte realizuar ne nivelin **42.36 %** dhe ne vlere absolute **27059 mije** leke nga **63876 mije** leke te programuara. Menaxhimi i buxhetit per kete periudhe eshte bere sipas programeve te miratuara ne plan, duke ruajtur nje raport te drejte ndermjet te ardhurave dhe shpenzimeve, si dhe duke patur nje bilanc pozitiv te pagesave brenda limiteve te miratuara nga Keshilli i Qarkut.

Duke analizuar në mënyrë analitike sipas strukturave përdorimi i fondeve për shpenzime që ka patur në dispozicion administrata e Këshillit të Qarkut per kete periudhe rezulton si më poshtë:

- Shpenzimet korente per Administraten jane realizuar ne nivelin 21844 mije leke nga 29832 mije leke te planifikuar ose 73.22 % sipas programit buxhetor. Ecuria e shpenzimeve korente per paga, sigurime shoqerore eshpenzime operative ka qene ne perpjestim te drejte per cdo muaj duke permbushur te gjitha nevojat dhe detyrimet per funksionimin normal te Administrates. Mosrealizimi eshte kryesisht ne shpenzimet per vendime gjyqesore dhe detyrime te trasheguara si dhe pjeserisht ne aktivitetet qe do te mbeshteste Keshilli i Qarkut per kete periudhe. Kjo lidhet edhe me situaten e krijuar ne periudhen Mars – gusht. Financimi i tyre do te vazhdoje ne periudhen aktuale.
- Shpenzimet kapitale kane qene te planifikuara ne vlere 29298 mije leke dhe jane financuar vetem 109 mije leke te lidhura me likujdimin e nje detyrimi te trasheguar te deklaruar te borxhi si dhe nje blerje e planifikuar. Mos realizimi vjen si rezultat i fillimit te procedurave te prokurimit ne

objektet e bashkive vetem ne tremujorin e fundit. Keto zene dhe peshen kryesore ne kete ze. Financimi i tyre do te vazhdoje ne vitin aktual.

a. Shpenzime për Pagat dhe Sigurimet Shoqërore të Punonjësve (Artikulli 600+601)

Realizimi i shpenzimeve për paga dhe sigurime shoqërore per periudhen vjetore për personelin është kryer në zbatim të strukturës organike të miratuar nga Këshilli i Qarkut. Administrata perbehet nga 13 punonjës (10+3), te cilet paguhen me nivelin e pagave te miratuara ne Keshillin e Qarkut. Fondet per financimin e ketyre shpenzimeve jane nga Transferta e Pakushtëzuar e vitit 2020. Realizimi i fondit të pagave dhe sigurimeve shoqërore për kete periudhe eshte ne vleren 15321 **mije leke ose 88.5 %**ndaj **17314 mije leke** te miratuara sipas programit.

b. Shpenzimet Operative, keshilltare dhe vendime gjyqesore (Artikulli 602)

Realizimi i shpenzimeve operative, keshilltare dhe vendime gjyqesore per kete periudhe eshte bere ne mbeshtetje te programeve dhe aktiviteteve te miratuara ne Keshillin e Qarkut. Niveli i realizimit te ketyre shpenzimeve eshte 6523 mije leke ose 52.1 % ndaj 12518 mije leke te miratuara. Ne kete nivel realizimi ka ndikuar periudha mars- qershor , periudhe ne te cilen nuk u lejuan prokurime dhe financimi i shpenzimeve ishte vetem per shpenzime me imediate qe lidheshin me aktualitetin. Nga analiza niveli i shpenzimeve rezulton si me poshte:

- Shpenzime per blerje dokumentacioni specifik dhe materilae pastrimi jane realizuar ne masen 475.2 mije leke
- Shpenzime per energji, uje telefona fix e celulare e shpenzime postare Art. 602.2 jane realizuar ne nivelin 573.9 mije leke, nga te cilat 385 leke jane shpenzime te trasheguara.
- Shpenzime per karburant, riparim auto dhe siguarione te mjeteve Art. 6023 jane realizuar ne nivelin 1131 mije leke nga te cilat 100.8 mije leke jane shpenzime te vitit 2019 dhe te financuara ne janar 2020.
- Shpenzimet per udhetim e dieta Art. 6024 jane realizuar ne nivelin 413.7 mije leke
- Shpenzime per pagesa te vendimeve gjyqesore Art. 6027 jane realizuar ne nivelin 2080 mije leke te cilat jane shpenzime per detyrime te trasheguara te parashikuara ne borxhi.
- Shpenzime per pagesen e shperblimit per anetaret e Kryesise te Keshillit te Qarkut Art. 6029 jane realizuar ne nivelin 843 mije leke
- Shpenzime te tjera operative, si aktivitetet, honorare, kuota antaresimi dhe tarifa vendore Art. 6029 jane realizuar ne nivelin 966 mije leke

Te gjitha shpenzimet jane bere sipas programit buxhetor te miratuar ne Keshillin e Qarkut per periudhen vjetore. Likujdimi i detyrimeve eshte bere edhe kundrejt amortizimit te tyre te parashikuar ne Programin Buxhetor Afatmesem 2020-2022, si dhe ne Vendimin e Keshillit te Qarkut nr. 15 date 23.12.2019 “Per miratimin e buxhetit te Keshillit te Qarkut per vitin 2020”.

c. Shpenzimet për Pagesat e Transfertave të Brendshme (Artikulli 604)

Në këtë artikull përfshihen shpenzimet e planifikuara për transfertat e brendshme siç janë ato të Shoqatave të Verbërve të Qarkut Korce, kontribut financiar per Qendren e Sherbimit Paliativ Korce, pjesemarije ne Projektin e perbashket me Bashkine Korce “ Qendra ditore te moshes se trete” si dhe ne Projektin e Aeronautikes Shqiptare “Korca Open Air”, Projekti me Spitalin Rajonal Korce. Per kete periudhe jane realizuar dhe financuar te gjitha projektet e planifikuara.Per shkak te periudhes Covid 19 disa financime jane lene per periudhen ne vazhdim. Financimi sipas zerave eshte:

- Pjesemarja ne projektin e perbashket me Bashkine Korce "Qendra ditore te moshes te trete" eshte realizuar 100 % ose 3000 mije leke te programuara.
- Kontributi financiar per Projektin e Aeronautikes Shqiptare "Korca Open Air" me vlere 200 mije lek
- Shoqata e te Verberve me vlere 410 mije leke
- Qendra e Kujdesit Shendetsor Paliativ Korce me vlere 400 mije leke
- Projekti me Spitalin Rajonal Korce me vlere 960 mije leke

c. Shpenzimet Kapitale Investimet (Artikulli 230-231)

Për periudhen vjetore Programi i investimeve i miratuar me Vendim te Keshillit te Qarkut eshte **27298 mije leke** dhe eshte realizuar vetem nje objekt per aresye qe i permendem me lart. Gjithashtu ne kete artikull eshte likujduar nje detyrim i trasheguar me vlere 16 mije lek. Objektet e prokuruar per Bashkite sipas miratimit ne Keshillin e qarkut jane ne faze prokurimi ose zbatimi, financimi i tyre do te vazhdoje ne periudhen e vitit 2021.

Analiza analitike e shpenzimeve per funksionet e deleguara (DAMT ne qark)

Keshilli i qarkut ne permbushje te funksioneve te deleguara si funksioni i Drejtorise te Administrimit dhe Mbrojtjes te Tokes ne qark, ka te programuar ne Buxhetin e tij edhe fonde nga transferta e kushtezuar, te cilat delegohen nga Buxheti i Shtetit.

Gjatë kesaj periudhe, shpenzimet e përgjithshme për funksionimin e Drejtorisë të Administrimit dhe Mbrojtjes së Tokës (DAMT), janë realizuar në shumën 5010 mije lekë nga 6395 mije lekë te planifikuara. Shpenzimet e bera per kete funksion jane financuar 100 %. Ne kete mosrealizim ka ndikuar mungesa e nje punonjesi per kete periudhe.

Shpenzime për Pagat dhe Sigurimet Shoqërore të Punonjësve (Artikulli 600+601)

Shpenzimeve për paga dhe sigurime shoqërore perperiudhen 2020 për punonjësit e Drejtorisë të Administrimit dhe Mbrojtjes së Tokës (DAMT), janë kryer në zbatim të strukturës organike të miratuar nga Ministria e linjës si dhe nivelit te pagave te miratuara me Vendim te Keshillit te Ministrave.

Për kete periudhe numri i punonjesve per kete drejtori ka qene 6 punonjes nga 7 te planifikuar. Realizimi i fondit të pagave dhe sigurimeve shoqërore eshte ne vleren **4818 mije lekë**, kundrejt fondit të programuar ne vlere **6050 mije leke** ose e shprehur në përqindje në **79.63%**. Kjo lidhet me mungesen e nje punonjesi per per kete periudhe dhe mos perdorimit te fondit te vecante. Gjithashtu ne kete ze ka nje planifikim me nje rrezerve te vogel.

Shpenzimet Operative dhe të Mirëmbajtjes (Artikulli 602)

Per periudhen vlere e shpenzimeve operative eshte planifikuar 345 mije leke dhe realizimi i tyre eshte ne nivelin 192 mije leke, kjo lidhet me situatat e krijuara dhe mos realizimin e prokurimeve te planifikuara per kete drejtori. Per kete periudhe jane financuar vetem shpenzime per energji elektrike dhe uje ne vlere 144 mije leke, shpenzime postare ne vlere 26 mije leke dhe tarifa vendore ne vlere 17.5 mije leke shpenzime telefonie 4 mije leke.

Realizimi i buxhetit te Keshillit te Qarkut per pjesemarje ne Programe nderkombetare

Per periudhen 2020 ne Programin buxhetor te Keshillit te Qarkut eshte planifikuar buxhet per financimin e projekteve me fonde nga Bashkimi Europian. Keshilli i Qarkut ne zbatim te funksioneve te percaktuara

me akte ligjore e nenligjore ka mare pjese gjeresisht ne aplikimet per projekte sipas Programeve te bashkepunimit nderkufitar IPA CBC si dhe ne Programe te tjera nderkufitare. Aktualisht jane finalizuar 4 projekte me nje vlere totale prej rreth 1050 mije euro si me poshte:

- Save – Water me vlere	802594.00 euro
- Waste Rreact me vlere	93967.59 euro
- Wincome me vlere	61773.66 euro
- SaveSafe Water me vlere	52951.02 euro

Per keto projekte jane nenshkruar kontratat me partneret dhe ka filluar implementimi i tyre qe ne vitin 2018. Financimi i shpenzimeve per keto projekte ka filluar ne vitin 2019 dhe do te vazhdoje edhe per dy vite sipas afateve te parashikuar ne kontratat perkatese. Per kete qellim ne Buxhetin e Keshillit te Qarkut per vitin 2020 jane planifikuar 61258 mije leke (grant + te ardhura)me gjithë ndryshimet perkatese. Realizimi i tyre eshte ne nivelin 35183 mije leke. Peshen kryesore ne planin e kesaj periudhe e kapin investimet ne Projekti SAVE WATER, te cilat jane kane filluar te zbatohen ne 4/mujorin e trete te vitin 2019 dhe do te vazhdojne edhe per 2 vitet ne vazhdim. Ecuria e realizimit dhe financimit te projekteve eshte bere kundrejt kontratave te nenshkruara dhe afateve te percaktuara ne to. Keto programe kane nje periudhe zbatimi 2 dhe 3 vjecare.Gjithashtu ne zbatim te Udhezimit plotesues per zbtimin e buxhetit te vitit 2020, per llogari te buxhetit per projektet jane planifikuar edhe 40 milion leke ne kapitullin 2 si limit per realizimin e disbursimit te fondeve te projekteve nga bankat e nivelit te dyte ne llogari te Keshillit te Qarkut prane Deges se thesarit, kjo ne momentin e perfundimit te projekteve.

Kryetar i Keshillit te Qarkut

Ana VERUSHI

